

Råstofdirektoratet
Att.: Frants Torp Madsen

Postboks 269
3900 Nuuk
Tlf. (+299) 34 50 00
Fax (+299) 34 63 55
E-mail: apnn@nanoq.gl
www.nanoq.gl

Tusarniaanermut akissut - Misissuinissamut akuersissut nr. 2009/16

Uunga: Frants Torp Madsen.

Aalisarnermut, Piniarnermut Nunalerinermullu Naalackersuisoqarfik tusarniaanermi allakkut qujavoq, ukuninngalu London Mining A/S-ip misissuinissamut akuersissummik qinnuteqaataanut 2009/16-imut 2012-mi suliassanut tunngasumut oqaaseqaatissaqarluni.

Akuerineqarnissamut qinnuteqaatigineqarpoq tuttoqarfimmi pingaarutilimmi suliaqarnissaq. Taamaasilluni sumiiffik aqquerniorfissatut pilersaarfiusoq, Taseraarsummit Kuussuaq ikaarlugu ikaartarfiliorfissatut pilersaaruteqarfiup tungaanut, tuttoqarfik Akia-Maniitsoq-mi tuttu amerlanerpaat najugaaraat. Tamanna Teknisk Rapport nr. 78, 2011-imi Pinngortitaleriffik-mit saqqummersinneqartumi qupperneq 19-imi uppenarsarneqarpoq. Tuttoqarfinni Kangerlussuaq-Sisimiut aamma Akia-Maniitsoq-mi tuttu matumuuna maluginiarneqarnissaat kissaatigaarput. Aamma sumiiffimmi eqqartorneqartumi norralinnik kulavaqarpoq. Tamanna uppenarsarneqarpoq tuttoqarfimmi Akia-Maniitsoq-mi norraat sumi erniusarnerinik misisissuisimanermit. Piffissarlu suliaqarfissatut pilersaaruteqarfiusoq, tassa 2012-mi martsip naanerani augustip aallartinneranut, tuttu erniorfigalugulu milutsitsivigisarpaat taamaammallu pingaaruteqarluinnarluni piffissami tassani akornusersorneqanngissaat.

Taanna tunngavigalugu inassutigerusupparput aqqusinissatut pilersaarut allatut inissinneqarnissaanik pilersaarusiortoqassasoq, VVM-imimi eqqaaneqarmat allatut inissiinissamut periarfissaqassasoq, tamannalu pappilissani tiguneqarsimasuni ersersinneqarani.

Aamma pilersaarutigineqarpoq nunakkut angallatinik motorilinnik 40 tons tikillugu oqimaassusilinnik ingerlaartoqartarnissaa, tamannalu qularutissaanngitsumik sumiiffimmut naasuinullu sunnuteqarnerluttussaassaaq nipitoorsuussalluni taamaasillunilu tuttu tamaaniinnerannik killiliisinnaassalluni. Suli tunngavilersussallugu amigaatigineqarpoq soq 2500 kg-mut killiliusaaq qaangerneqassanersoq.

Inussiarnersumik inuulluaqqusillunga
Med venlig hilsen

Nuka Møller Lund
Toqq/direkte 345345
numi@nanoq.gl